

CONVÈNI

En Vielha, 22 de seteme de 2020

Amassadi

D'ua part eth senhor Juan Antonio Serrano Iglesias, alcalde der ajuntament de Vielha e Mijaran, assistit pera Secretària dera Corporacion.

Dera auta part era senhora María Teresa Bayo Busquet ena sua condicion de directora dera Escòla Garona de Vielha.

Manifèsten

1. Qu'ei volentat d'aguest ajuntament autrejear ajudes a familhes damb hilhs menors ath sòn cargue qu'an estat afectades pera actuau situacion de crisi economica provocada pera pandemia causada peth coronavirus SARS-COV-2, en tot finançar era crompa de libres de lectura escolar entar alumnat d'Educacion Infantil entath cors escolar 2020/2021, que poderàn auér en casa ara sua disposicion en cas d'auer de quedar-se en isolament domiciliari damb classes online.

2. Er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per Acòrd deth Plen deth dia 26 de seteme de 2007 e per Acòrd deth Plen deth 22 de seteme de 2014.

Aguesta Ordenança establís en sòn article 10 qu'es subvencions poderàn autrejear-se directament en quauqui casi, entre es quaus se trapen aqueri enes que s'acrediten arrasons d'interès public e sociau.

3. Era Ordenança Municipau tanben establís que normaument er autrejament dirècte se formalizarà en un convèni.

4. Er Ajuntament de Vielha e Mijaran en objectiu de priorizar e potenciar era cultura en caplòc deth País.

Peth tot çò, convien eth present convèni e ar efècte establissen es següenti:

Pactes

Prumèr. Er objècte deth present convèni ei era collaboracion entre er Ajuntament de Vielha e Mijaran e era Escòla Garona de Vielha, entara crompa de libres de lectura escolar entar alumnat des sies corsi d'Educacion Infantil entath cors escolar 2020/2021.

Dusau. Qu'en marc d'aguesta collaboracion er Ajuntament de Vielha e Mijaran collaborarà damb aguesta escòla damb ua subvencion pera quantitat de 7.519,72 èuros, damb cargue ara partida 2020-1-23100-48032-01.

Tresau. Era Escòla Garona serà eth responsable dera crompa e custòria des libres entàs

quaus s'autreje aguesta subvencion.

Quatau. Era Escòla Garona justificarà ar ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponents, auments per un impòrt deth 100% dera subvencion autrejada, tanben presentaràn ua memòria. S'aurà de dar compliment a çò mercat en article 8 dera citada ordenança municipau.

Cincau. Sense perjudici de çò dit anteriorment, er Ajuntament de Vielha e Mijaran, e per miei dera intervencion de hòns municipaus, a era potestat irrenonciable d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth tèxt rehonot dera Lei reguladora des isendes locaux.

SIESAU. En tota era publicitat que s'edite damb referéncia ad aguesta crompa se harà constar ar Ajuntament de Vielha e Mijaran coma collaborador.

Setau. Es parts signatàries d'aguest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

E en pròva de conformitat, ambdues parts signen eth present convèni per duplicat e a un solet efecte, e en lòc e data nomentadi.

JUAN ANTONIO SERRANO IGLESIAS MARÍA TERESA BAYO BUSQUET

.

■ deuant mèn

PILAR HERVADA VIDAL